

VERJAARDAE GEDURENDE DIE WEEK

Hartlik geluk aan die lidmate wat DV gedurende hierdie week hulle verjaardae vier! Saam met u dank ons die Here vir sy groot genade en bid ons dat Hy u ook in die nuwe lewensjaar ryklik sal seën tot eer van sy Naam!

Wo	11/03	Stenie Niemand , Wyk 2
Do	12/03	Alta Hugo (82) , Wyk 7
		Ronnie van Tonder , Wyk 13
Sa	14/03	Chrisjan Kroeze (4) , Wyk 4

Bede met meelewing Psalm 134: 1, 2, 3.

VAN ONS SUSTERS

Liewe Susters

KONSERT KONSERT KONSERT

Die seisoen draai, dis koeler, die blare verkleur en begin val.


Op die Kalender het die susters 'n byeenkoms vir 18 April en 'n konsert vir 9 Mei. Die bestuur en die wyksusters het besluit dat ons die twee gaan kombineer.

Ons wil dus net op **9 Mei 'n Gemeentekonsert** hou. Groep 3, wat wyke 2, 3, 4 en 6 is, is dan verantwoordelik vir die verversings by die konsert.

Wat die gemeentekonsert betref, wil ons graag sien watter talent ons uit eie geledere het. Moenie skaam wees nie, as jy 'n talent het of jy weet iemand in die gemeente het 'n talent, fluister dit in my oor. Ek sien uit daarna dat ons 'n lekker verskeidenheid van items sal kry!

Groete

Alta 083 361 2490



Op die Kerkwerf

Gemeenteblad van die Gereformeerde Kerk Potchefstroom

Jaargang 42, nr 9 Sondag 8 Maart 2026

REDAKTEUR: RUDY VAN DER SPOEL 082 864 4422

rudynell@telkomsa.net

Eredienste: 09:30 en 18:00

Kantoor 018 294 4600

Orrelis: Magda Pelser-van der Merwe 079 872 2516 **Web:** www.gkpotchefstroom.co.za

Koster Pieter Bouwsema 082 923 1384 **E-posadres:** kantoor@gkpotchefstroom.co.za

Prediker: Ds Jannes van Dyk 072 224 7181

Hulpprediker: Prof Callie Coetzee 082 337 7951

Diensbeurt by eredienste en kategese:

Ouderlinge: Wyk 1 **Koos Nortjé** en wyk 2 **Klaas Wyma**

Diaken: Wyk 1 en 2 **Zurich Terblanche**

Teebeurt: Wyke 8 & 9: **Wyksusters is: Ina Roos en Marli Nortjé**

EREDIENSTE Oggenddiens prof Callie Coetzee, aanddiens student Rynhardt Landman

Goeiedag broers en susters, kinders en besoekers

Oggenddiens om 9:30, aanddiens om 18:00

Eredienste ook per whatsapp.

OGGEND Ons is dankbaar dat prof. Callie Coetzee vanoggend sy preekbeurt in die gemeente waarneem. Ons dank die Here vir die gawes wat Hy in prof. Callie aan die gemeente skenk en bid prof. Callie en Susan die ryke seën van die Here toe.

Woordbediening: Handeling 5, 6, 7

Sing vooraf: Psalm 84: 1, 4

Sing tydens diens: Psalm 31: 1, 13; Skrifberyming 12-2; Skrifberyming 11-3: 1, 6, 8; Psalm 16: 4, 5; Skrifberyming 10-2

Sing met meelewing: Psalm 134: 1, 2, 3.

AAND Student Rynhardt Landman, wat vanjaar by ons sy praktiese werk doen en ook as ouderling dien, gaan vanaand in die erediens voor. Dit is vir Rynhardt 'n eksamenpreek.

Ryke seën word hom op sy studies toegebid. Baie welkom ook aan prof. Chris van der Walt wat as eksaminator vanaand in ons midde is. Mag u ook ryke seën op u dienswerk aan die Teologiese Skool ontvang!

Woordbediening: Matt 13. **Sing: Vooraf:** Ps 42: 3, 7

Sing tydens die diens: Psalm 149: 1, 2, 3; Psalm 9: 3, 4, 5; Skrifberyming 18-5: 1, 2, 4; Skrifberyming 12-1

KOLLEKTES VANOGGEND: Diens van Barmhartigheid in die **BLOU** sakkies en in die **ROOI** sakkies vir **Dankbaarheidsfonds**
Volgende week: **Instituut Christelike Onderwys**
VANAAND: Diens van Barmhartigheid (BLOU) en Kerkkas **(Rooi)**

LIEF EN LEED OOG VIR MEKAAR

MEEGEVOEL

Ons betuig ons innige meegevoel met broers en susters wie se geliefdes in die Here ontslaap het. Ons is saam met u ons Here dankbaar dat ons seker mag weet hulle wat vir die Here geleef het, ook vir Hom gesterf het en of ons lewe en of ons sterwe, ons behoort aan die Here.

VOORBIDDING

Ons doen graag voorbidding vir die volgende broers en susters en hulle geliefdes. Mag ons hemelse Vader u in sy liefde en trou vashou, dra en ook vir u uitkoms gee:

Marinda Snyman is steeds in Mediclinic met breinvlies-ontsteking. Ons bede is dat sy spoedig volkome sal herstel en moontlik vandag ontslaan kan word.

Ons dink steeds in ons voorbidding aan **Ria Buys** wat ernstig siek is. Mag ons hemelse Vader aan haar en haar dierbares al die krag gee wat hulle elke dag nodig het.

André Joubert is nog steeds in die Zuid-Afrikaans Hospitaal waar dokters op 'n oorsigpaneel moet besin oor 'n moontlike PET skandering wat André moet ondergaan. Ons bede is dat André die krag en genade van ons hemelse Vader ryklik sal ontvang.

Martie van der Berg het Dinsdag 'n afspraak met die nefroloog nadat haar gesondheid die laaste tyd weer onder baie druk verkeer het. Ons bede is dat Martie deur die behandeling van die dokter uit die hand van ons Here lewenskrag en lewenskwaliteit mag ontvang.

Magda Pelser-van der Merwe moes Vrydag-oggend binne-aars ysteraanvulling ontvang en kon nie haar afspraak van Donderdag met die oftalmoloog by die Oog-instituut nakom nie. Die afspraak is agv. Magda se swakheid en floutes na 12 Maart uitgestel. Ons bede is dat Magda met nuwe krag versterk mag word.

DANKBAARHEID

Ons deel in die dankbaarheid en vreugde van ons broers en susters en ook in die dankbaarheid van hulle geliefdes vir wie daar deur ons Here se genade uitkoms gekom het.

Ons deel in die vreugde, blydschap en dankbaarheid van **Shay Longden** wat die afgelope week haar meestersgraad in musiek verwerf het. Ons bede is dat sy vreugde in die Here mag beleef in die uitleef van haar roeping.

Mia Huisman het Woensdag veilig in die land uit Saudi-Arabië aangekom. Ons dank ons hemelse Vader saam met Mia en Carmie vir haar veilige tuiskoms.

VOORSPOEDIGE REIS / WELKOM TERUG

Van ons broers en susters gaan vir korter of langer periodes met reis of met vakansie – ook na die buiteland. Mag ons hemelse Vader u voet op die reispad behoed en u beskerm en veilig na ons terug bring.

HUWELIKSHERDENKING

Ons deel in die vreugde en dankbaarheid van ons broers en susters wat in die komende week hulle huweliks-herdenkings vier. Mag ons Here u steeds met sy genade vervul en gee dat u in alle godsaligheid en liefde saam verbind lank en heilig mag lewe!

Maandag 11 Maart is **ds Jannes en Yolandé van Dyk** 11 jaar getroud.

Donderdag 12 Maart is **Herman en Charlotte Henderson** 43 jaar getroud en

Vrydag 13 Maart is **Piet en Karen Aartsma** 44 jaar getroud.

WAT VAN 'N KOPPIE TEE OF KOFFIE VIR DIE GESELLIGHEID?!



Die Susters van wyke 8 en 9 **nooi**
almal uit om na die erediens
'n koppie tee of koffie
in die kerksaal te kom geniet



ALGEMENE AFKONDIGINGS

DAGBOEK

Dag	Datum	Tyd	Aktiwiteit	Vergaderplek
Siekebesoek, pastorale besoeke en huisbesoeke volgens afspraak.				
Ma	09/03	08:30	Teologiese Studente	Bovertrek
Di	10/03	09:00	Telkommissie	Konsistorie
		09:15	Opening: Teologiese Skool	TSP
		11:00	Klassis Predikantebyeenkoms	GK Potch- Bult
		15:00	Bybelstudie Huis Eikelaan	Rooi sitkamer
		18:00	Eiendomskommissievergadering	Konsistorie
Wo	11/03	18:00	Bybelstudie (2 Korintiërs, Studie 7b)	Konsistorie
Do	12/03	10:30	Bybelstudie 2 Korintiërs	Kerksaal
Sa	14/03		Susters: Koekies bak	Saal
So	15/03	15:30	Erediens Huis Eikelaan 15:30 Dr JA Erasmus	Kapel

KATKISASIE	Sondag 8 Maart	Sondag 15 Maart
Hoërskoolkatekisasie	Les 6	Les 7
Lesrooster:	Genesis 28: 1-22 (bl 5)	Genesis 37 & 42 (bl 6)
Psalmvers:	Psalms 62: 5	Psalm 63: 3
Heidelbergse Kategismus:	Sondag 34a	Sondag 34b
Memoriseerwerk	Eksodus 20: 7	Eksodus 20: 8

BYBELSTUDIE

Bybelstudiebyeenkomste die komende week:

- Bybelstudie by Huis Eikelaan vind Dinsdagmiddag om 15:00 in die Rooi Sitkamer plaas. Almal is welkom.
- Woensdagaand om 18:00 in die konsistorie.
- Donderdagoggend 10:30 in die kerksaal word 2 Korintiërs 1 en verder bestudeer.

U is baie welkom om by enige van die Bybelstudiegeleenthede in te skakel.

DANKOFFER-BYDRAE EN KOLLEKTES SE INBETALINGS

Lidmate word daaraan herinner om u **maandelikse dankoffer-bydrae** in te betaal in die **Kerkraad se rekening**. Dui asseblief u naam, van, en wyknommer duidelik aan. **Bydraes vir die diakonie** asook die ander **spesiale kollektes** kan inbetaal word in die **Diakonie se rekening**. **Gee asb 'n duidelike verwysing by u bydraes sodat dit korrek toegewys kan word.**

Besonderhede van die rekeninge word hier onder gegee.

Kerkraad: **Gereformeerde Kerk Potchefstroom.**

Diakonie: **Diakonie GK Potchefstroom.**

Susters: **Susters van die Gereformeerde Kerk Potchefstroom Bank: Potchefstroom.**

DIE GEREFORMEERDE KERK IKAGENG

Die gemeente van Ikageng hou op **2 Mei 2026** 'n fondsinsamelingsaksie en hulle vra ons ondersteuning. Hulle beplan om die fondse te gebruik vir hulle werk in die omgewing. Kom ons help hulle met goeie tweedehandse klere, skoene, komberse, huishoudelike items, boeke, speelgoed en allerhande dinge wat verkoop kan word. Donasies is ook baie welkom. Ons kan die goedere afgee by ons koster Pieter en hulle sal die goedere kom haal.

Vir meer informasie kontak ds OL Moncho 083 314 1762 of hulle skriba ds MD Letebele 067 847 7357.

DIAKONIE SE KOSKAS

Vir die Diakonie se koskas: gooi 'n ietsie ekstra in u koswaentjie en bring dit kerk toe.

Cup a soup, min noedels, koffie, tee, melk, suiker, mielies, sout, waspoeier, grondboontjiebotter, blikkies vleis, pasta,

(Indien moontlik voorsien pakkies van 1 kilogram).

